

ՀՀ ՎԱՅՈՑ ՁՈՐԻ ՄԱՐԶԻ
ԿՐԹՈՒԹՅԱՆ, ՄՇԱԿՈՒՅԹԻ ԵՎ ՍՊՈՐՏԻ ՈԼՈՐՏՆԵՐՈՒՄ ԿԱՏԱՐՎԱԾ
ԱՇԽԱՏԱՆՔՆԵՐԻ ՎԵՐԱԲԵՐՅԱԼ
ՀԱՇՎԵՏՎՈՒԹՅՈՒՆ
(2025թ. 1-ին կիսամյակ)

ՀՀ Վայոց ձորի մարզպետի աշխատակազմի կրթության, մշակույթի և սպորտի վարչությունը համակարգում և աջակցում է մարզային ենթակայությամբ **44 հանրակրթական ուսումնական հաստատությունների և 3 մարզային մշակութային ՊՈԱԿ-ների** գործունեությունը /Եղեգնաձորի երաժշտական դպրոց, Եղեգնաձորի երկրագիտական թանգարան, Եղեգնաձորի մշակույթի կենտրոն/:

Աջակցում է նախարարության ենթակայությամբ 3 պետական հանրակրթական ուսումնական հաստատությունների / *Եղեգնաձորի վարժարան, Վայքի ավագ դպրոց, Զերմուկի կրթահամալիր*/ և համայնքային ենթակայությամբ գործող նախադպրոցական, մշակութային և մարզական հաստատությունների՝ ՀՀ օրենսդրության պահանջներին համապատասխան գործունեություն ծավալելու գործընթացին:

ՀՀ Վայոց ձորի մարզում գործում են 18 նախադպրոցական ուսումնական հաստատություններ. ՆՈՒՀ հաճախող սաների թիվը մարզում՝ 1327:

Եղեգնաձոր համայնք – 8 ՆՈՒՀ / նախադպրոցական ուսումնական հաստատություն/

1. <<Վերնաշենի մանկապարտեզ>> ՀՈԱԿ / Սաների թիվը՝ 22 /
2. <<Գլաձորի մանկապարտեզ>> ՀՈԱԿ / Սաների թիվը՝ 69/
3. <<Եղեգնաձոր համայնքի թիվ 2 մսուր մանկապարտեզ>>ՀՈԱԿ / Սաների թիվը՝ 110/
4. <<Եղեգնաձոր համայնքի թիվ 5 մանկապարտեզ>> ՀՈԱԿ / Սաների թիվը՝ 112/
5. <<Մալիշկայի թիվ 1 մանկապարտեզ>> ՀՈԱԿ / Սաների թիվը՝ 38/
6. <<Մալիշկայի թիվ 2 մանկապարտեզ>> ՀՈԱԿ / Սաների թիվը՝ 53 /
7. <<Եղեգնաձոր համայնքի թիվ 1 մանկապարտեզ>> ՀՈԱԿ / Սաների թիվը՝ 104/
8. <<Գետափի «Արևիկ» մանկապարտեզ>> ՀՈԱԿ / Սաների թիվը՝ 85/

Արենի համայնք - 5 ՆՈՒՀ

1. <<Արենի համայնքի Ագարակաձոր բնակավայրի «Արևիկ» մանկապարտեզ>> ՀՈԱԿ / Սաների թիվը՝ 38/
<<Արենի համայնքի Ագարակաձոր բնակավայրի «Արևիկ» մանկապարտեզ>> ՀՈԱԿ-ի մասնաճյուղ Խաչիկ բնակավայրում / Սաների թիվը՝ 15/
2. <<Արփիի մանկապարտեզ>> ՀՈԱԿ / Սաների թիվը՝ 28/
3. <<Աղավնաձորի մանկապարտեզ>> ՀՈԱԿ / Սաների թիվը՝ 50/
4. <<Ռինդի մանկապարտեզ>> ՀՈԱԿ / Սաների թիվը՝ 57/
5. <<Լիսա Գրիգորյանի անվան>> ՀՈԱԿ մանկապարտեզ / Սաների թիվը՝ 81/

Վայք համայնք - 3 ՆՈՒՀ

1. <<Զատիթափի մանկապարտեզ>> ՀՈԱԿ / Սաների թիվը՝ 75 /
2. <<Վայքի թիվ 1 մանկապարտեզ>> ՀՈԱԿ / Սաների թիվը՝ 118/
3. <<Վայքի թիվ 3 մանկապարտեզ>> ՀՈԱԿ / Սաների թիվը՝ 96 /

Զերմուկ համայնք - 2 ՆՈՒՀ

1. «Զատիկ» մանկապարտեզ» ՀՈԱԿ / Սաների թիվը՝ 120/
«Զատիկ» մանկապարտեզ» ՀՈԱԿ-ի մասնաճյուղ Կեչուտում / Սաների թիվը՝ 37/
2. «Գնդեվազի մանկապարտեզ» ՀՈԱԿ / Սաների թիվը՝ 19/

Ելփինի մանկապարտեզի կառուցման աշխատանքները ընթացքի մեջ են:

Մարզում գործում է համայնքային ենթակայությամբ 3 մանկապատանեկան մարզադպրոց.

1. Վայք համայնքի մանկապատանեկան մարզադպրոց,
2. Եղեգնաձորի մանկապատանեկան մարզադպրոց,
3. Մալիշկայի մարզադպրոց

1 մարզամշակութային կենտրոն Զերմուկ համայնքում

Մարզում գործում է 2 թանգարան՝

1. «Գլաձորի պատմամշակութային արգելոց-թանգարան»՝ ՀՀ կրթության գիտության մշակույթի և սպորտի նախարարության ենթակայությամբ
2. Եղեգնաձորի երկրագիտական թանգարան՝ մարզային ենթակայությամբ

1 երաժշտական դպրոց Եղեգնաձոր քաղաքում

Եղեգնաձորի երաժշտական դպրոց՝ մարզային ենթակայությամբ

4 արվեստի դպրոց՝ համայնքային ենթակայությամբ

1. Աղավնաձորի Մուրադ Սարգսյանի անվան արվեստի դպրոց
2. Ջերմուկ համայնքի Ռոմանոս Մելիքյանի անվան արվեստի դպրոց
3. Ջերմուկ համայնքի Շառլ Ազնավուրի անվան արվեստի դպրոց
4. Վայք քաղաքում՝ Խ. Ներսիսյանի անվան արվեստի դպրոց

2 պատկերասրահ՝ Եղեգնաձոր և Ջերմուկ քաղաքներում

2 ՄՍԿ (մանկապատանեկան ստեղծագործական կենտրոն)՝ Վայք և Եղեգնաձոր քաղաքներում

Մեկ գեղարվեստի դպրոց՝ Եղեգնաձոր քաղաքում

ՀՀ Վայոց ձորի մարզում գործում են.

1 տարածաշրջանային պետական քոլեջ Եղեգնաձոր քաղաքում / ուսանողներ և ունկնդիրներ՝ 330/

1 կրթահամալիր Ջերմուկ քաղաքում / աշակերտների թիվը՝ 430/,

1 ավագ դպրոց Վայք քաղաքում / աշակերտների թիվը՝ 197/ ,

1 վարժարան Եղեգնաձոր քաղաքում , / աշակերտների թիվը՝ 316/,

13 հիմնական և 31 միջնակարգ դպրոցներ / աշակերտների թիվը՝ 6136)

Ընդամենը մարզում՝ 7079 աշակերտ

ՀՀ կառավարության կողմից բամաթիվ ծրագրեր են իրականացվում կրթության ոլորտում:

Վերանորոգվում են ուսումնական հաստատությունների շենքեր, կառուցվում են նորերը:

/ՀՀ կառավարության 2023 թվականի նոյեմբերի 30-ի N 2093-Ն որոշում/

Կառուցվել է 3 դպրոց

1. **Եղեգնաձորի թիվ 1 հիմնական / աշակերտների թիվը՝ 595, դպրոցի նախագծային հզորությունը՝ 432/**
2. **Գոմքի միջնակարգ / աշակերտների թիվը՝ 31 դպրոցի նախագծային հզորությունը՝ 100/**
3. **Եղեգիսի միջնակարգ / աշակերտների թիվը՝ 39 , դպրոցի նախագծային հզորությունը՝ 100/**

Կառուցվում են 4 կրթահամալիրներ.

1. **Արտաբույնքի կրթահամալիր / աշակերտների թիվը՝ 113, Կրթահամալիրի նախագծային հզորությունը՝ 144, Կրթահամալիրի մանկապարտեզի նախագծային հզորությունը՝ 80/-**
2. **Արփիի կրթահամալիր / աշակերտների թիվը՝ 147, Կրթահամալիրի նախագծային հզորությունը՝ 144 , Կրթահամալիրի մանկապարտեզի նախագծային հզորությունը՝ 40 /**
3. **Մարտիրոսի կրթահամալիր /աշակերտների թիվը՝ 59 , Կրթահամալիրի նախագծային հզորությունը՝ 144, Կրթահամալիրի մանկապարտեզի նախագծային հզորությունը՝ 80 /**
4. **Քարազլիսի կրթահամալիր / աշակերտների թիվը՝ 77, Կրթահամալիրի նախագծային հզորությունը՝ 200, Կրթահամալիրի մանկապարտեզի նախագծային հզորությունը՝ 80/**

Կառուցվում են դպրոցներ.

1. **Զիվայի միջնակարգ / աշակերտների թիվը՝ 57 , դպրոցի նախագծային հզորությունը՝ 150, նախակրթարան՝ 20 տեղ /**
2. **Գեդրափի միջնակարգ դպրոց / աշակերտների թիվը՝ 266, դպրոցի նախագծային հզորությունը՝ 288/**
3. **Արենիի միջնակարգ դպրոց / աշակերտների թիվը՝ 310, նախագծային հզորությունը՝ 432/**
4. **Վայքի հիմնական դպրոց**

Վերանորոգվում և հիմնանորոգվում են դպրոցներ.

1. Շատինի միջնակարգ դպրոց
2. Ջերմուկի Մ. Գորկու անվան թիվ 1 հիմնական դպրոց
3. Մալիշկայի Մ. Լոմոնոսովի անվան միջնակարգ դպրոց
4. Եղեգնաձորի Հ. Հովհաննիսյանի անվան թիվ 2 հիմնական դպրոց
5. Ռինդի միջնակարգ դպրոց
6. Գլաձորի միջնակարգ դպրոց
7. Զառիթափի միջնակարգ դպրոց

ՀՀ Վայոց ձորի մարզպետի 2024թ.-ի հունվարի 09-ի 09-Ա որոշմամբ ստեղծվել է աշխատանքային խումբ՝ մարզի հանրակրթական ուսումնական հաստատություններում մշտադիտարկումներ իրականացնելու, ուսումնական հաստատության կողմից ՀՀ օրենքների և նորմատիվ-իրավական ակտերի պատշաճ կատարումը դիտարկելու, ուսումնադաստիարակչական աշխատանքների համակարգման, դպրոցավարությանն անհրաժեշտ փաստաթղթերին և գործառույթներին ծանոթացման, դասալսումների իրականացման, անհրաժեշտ մեթոդական և խորհրդատվական աջակցության տրամադրման նպատակով:

Ուսումնական հաստատություններում ստեղծվել են **կոլեգիալ կառավարման մարմիններ՝ թվով 8-ը**, որոնց անվանական կազմը հաստատվել է ՀՀ Վայոց ձորի մարզպետի համապատասխան որոշմամբ:

Վայոց ձորի մարզի հանրակրթական ուսումնական հաստատություններում 2025 թվականի ընթացքում անցկացվել են շարադրությունների մրցույթներ, կազմակերպվել են սպորտային, գեղագիտական, մշակութային, ստեղծագործական միջոցառումներ, որոնք նպաստել են դպրոցականների համակողմանի դաստիարակությանը:

Ուսումնական գործընթացի արդյունավետության բարձրացման գործում կարևոր նշանակություն են ունեցել դպրոցականների առարկայական օլիմպիադաները:

2023-2024 ուսումնական տարվա դպրոցականների առարկայական օլիմպիադա

Դպրոցական փուլ

9-12-րդ դասարաններ՝ 1316 աշակերտ

5-8-րդ դասարաններ («Մաթեմատիկա» առարկա)- 2385

Ընդհանուր՝ 3701 աշակերտ

Մարզային փուլ-359 աշակերտ

Հանրապետական փուլ - 48 աշակերտ

II տեղ -1 աշակերտ (<<Հայ գրականություն>> առարկայից)

2 գովասանագիր (<<Աշխարհագրություն>> և <<Պատմություն>> առարկաներից)

2024-2025 ուսումնական տարվա դպրոցականների առարկայական օլիմպիադա

1. **Դպրոցական** փուլի մասնակիցների թիվը՝ **2994**
2. **Մարզային** փուլի մասնակիցների թիվը՝ **196**
3. **Հանրապետական** փուլի մասնակիցների թիվը՝ **18**
4. Հանրապետական փուլում մրցանակային տեղեր գրաված և գովասանագրի արժանացած աշակերտներ՝ **3**
 - Բաքայան Անի - Եղեգնաձորի վարժարան, 12-րդ դասարան, ֆրանսերեն, **3-րդ կարգի դիպլոմ**
 - Մարգարյան Տիգրան - Գնդեվազի միջնակարգ դպրոց, 9-դ դասարան, աշխարհագրություն, **3-րդ կարգի դիպլոմ**
 - Գևորգյան Նանե - Հերիերի միջնակարգ դպրոց, 9-րդ դասարան, հայ գրականություն, **գովասանագիր:**



Մայիսի 2-ին ՀՀ Վայոց ձորի մարզպետ Կոլյա Միքաելյանն հյուրընկալել էր Հանրակրթական դպրոցների 7-12-րդ դասարանների աշակերտների միջև անցկացվող սպարտակիադայի բազկամարտ և հրաձգություն մարզաձևերի եզրափակիչ փուլում 1-ին տեղը գրաված աշակերտուհիներ Գոհար Մելքոնյանին / Եղեգնաձորի Հովի. Հովհաննիսյանի անվան թիվ 2 հիմնական դպրոց/ և Մարինե Մկրտչյանին /Արենիի միջնակարգ դպրոց/ , դպրոցականների առարկայական օլիմպիադայի եզրափակիչ փուլում աշխարհագրություն առարկայից 3-րդ տեղը գրաված Գնդեվազի միջնակարգ դպրոցի աշակերտ Տիգրան Մարգարյանին, ֆրանսերեն առարկայից 3-րդ տեղը գրաված Եղեգնաձորի վարժարանի 12-րդ դասարանի աշակերտուհի Անի Բաքայանին, ինչպես նաև հայ գրականություն և ՆԶՊ առարկաներից գովասանագրերի արժանացած Նանե Գևորգյանին /Հերիերի միջնակարգ դպրոց/ և Սաթենիկ Հայրապետյանին /Զիվայի միջնակարգ դպրոց/:

Հանդիպմանը ներկա էին նաև մարզպետի աշխատակազմի կրթության, մշակույթի, սպորտի ոլորտի պատասխանատուները, իսկ աշակերտներին ուղեկցել են դպրոցների տնօրենները:

Մարզպետը շնորհակալություն է հայտնել աշակերտներին ձեռքբերումների համար, գրուցել նրանց հետ մի շարք հարցերի շուրջ՝ մասնագիտական կողմնորոշում, հաջողությունների հասնելու գրավականներ, դժվարությունների հաղթահարում,

նպատակասլացություն, աշակերտների հետաքրքրությունների շրջանակ, զբաղվածություն և այլն:

Դպրոցների տնօրենների հետ քննարկել են կրթության ոլորտին առնչվող մի շարք հարցեր, մասնավորապես օլիմպիադաներում աշակերտների ներգրավվածության մեծացում, ֆիզիկական դաստիարակության դրվածքը դպրոցներում և առկա նյութատեխնիկական հնարավորությունների ազդեցությունը դրա վրա, աշակերտների բազմակողմանի զարգացվածությանը նպաստող նախադրյալների ապահովում, մանկավարժի մասնագիտության նկատմամբ դպրոցականների շրջանում հետաքրքրվածության խթանում և այլն:

Ներկաները փաստել են, որ դպրոցականների շրջանում անցկացվող մարզական միջոցառումների մասշտաբների ընդլայնումը հնարավորություն է տալիս նրանց լիարժեք դրսևորել իրենց ներուժը և հետաքրքրությունները, և հաճախ ոչ բավարար պայմաններն անգամ խոչընդոտ չեն հանդիսանում բարձր արդյունքներ գրանցելու համար:

Հանդիպման ավարտին Վայոց ձորի մարզպետ Կոլյա Միքաելյանը շնորհակալագրեր է հանձնել մարզական հաջողություններ գրանցած դպրոցականներին՝ Վայոց ձորի մարզը լավագույնս ներկայացնելու, իսկ առարկայական օլիմպիադայի եզրափակիչ փուլում բարձր արդյունքներ ապահոված աշակերտներին՝ կայուն գիտելիքներ դրսևորելու համար:





Մայրենի լեզվի միջազգային օր. դպրոցականները ներկայացրել են ազգային փոքրամասնությունների մշակույթին վերաբերող նախագծեր

Փետրվարի 21-ը Մայրենի լեզվի միջազգային օրն է: Օրվան ընդառաջ՝ մշակութային կրթության ուսումնական տարվա շրջանակում ԿԳՄՍ նախարարության նախաձեռնությամբ Գ. Սունդուկյանի անվան ազգային ակադեմիական թատրոնում տեղի է ունեցել ՀՀ-ում բնակվող ազգային փոքրամասնությունների մշակույթին ու լեզվին նվիրված էքսպո, որի ընթացքում ցուցադրվել են դպրոցականների նախագծային աշխատանքները:

Նախապես հայտարարված մրցույթի արդյունքում ՀՀ յուրաքանչյուր մարզից և մայրաքաղաքից հաղթող է ճանաչվել 2-ական դպրոց: Գ. Սունդուկյանի անվան ակադեմիական թատրոնում կազմակերպված եզրափակիչ միջոցառմանը վերջինները

ներկայացրել են իրենց նախագծերն առանձին տաղավարով: ՀՀ Վայոց ձորի մարզից էքսպոյին մասնակցել են Գնդեվազի միջնակարգ և Ջերմուկի թիվ 1 հիմնական դպրոցները:

Ներկայացնելով կատարված աշխատանքը՝ աշակերտներն ընդգծել են, որ ուսումնասիրության ընթացքում հանդիպել են ազգային փոքրամասնություն ներկայացնող համայնքների հետ, ծանոթացել նրանց ավանդույթներին, խոհանոցին, պատմությանը և նախագծերն իրականացրել նաև նրանց օգնությամբ: Երեխաներին հատկապես տպավորել են ազգային փոքրամասնությունների ծեսերը, կրոնական առանձնահատկությունները: Մասնակից աշակերտները շնորհանդեսից հետո արձանագրության ծրագրի շրջանակում դիտել են «Պատվի համար» ներկայացումը:



«Դպրոցականների բասկետբոլի լիգա» մարզական խաղեր

«Դպրոցականների բասկետբոլի լիգա» մարզական խաղերն անցկացվում են աշակերտների շրջանում բասկետբոլի մասսայականացման, առողջ ապրելակերպի քարոզման և տաղանդավոր ու հեռանկարային մարզիկներին ասպարեզ բերելու նպատակով:

Փետրվարի 12-ին ՀՀ Վայոց ձորի մարզի Եղեգիսի նորակառույց միջնակարգ դպրոցում մեկնարկեց «Դպրոցականների բասկետբոլի լիգա» մարզական խաղերի առաջին՝ համայնքային (նախընտրական) փուլը:

Տարիքային առաջին խմբում /5-6-րդ դասարաններ/ իրենց ուժերը չափեցին հետևյալ ուսումնական հաստատությունները՝ Քարազլիսի միջնակարգ դպրոց-Եղեգնաձորի թիվ 1 հիմնական դպրոց, Շատինի միջնակարգ դպրոց- Չիվալի միջնակարգ դպրոց, Աղնջաձորի միջնակարգ դպրոց-Արենիի միջնակարգ դպրոց, Եղեգնաձորի վարժարան-Ագարակաձորի միջնակարգ դպրոց, Արփիի միջնակարգ դպրոց-Գլաձորի միջնակարգ դպրոց:



Մարտի 14-ին ավարտվեցին «Դպրոցականների բասկետբոլի լիգա» մարզական խաղերի տարածաշրջանային փուլերը: Շուրջ մեկ ամիս տևած խաղերին մարզի հանրակրթական 27 դպրոցներից երկու տարիքային խմբերում մասնակցեցին 719 աշակերտներ:

Մարզական համառ և գեղեցիկ պայքարում 5-6-րդ դասարանների մրցույթում հաղթող ճանաչվեցին Եղեգնաձորի Հովհաննես Հովհաննիսյանի անվան թիվ 2 հիմնական դպրոցի և Ազատեկ-Հերիեր միջնակարգ դպրոցների միասնական թիմերը:

Տարիքային երկրորդ խմբում /7-9-րդ դասարաններ/ ուժեղագույններն Արենիի միջնակարգ և Վայքի հիմնական դպրոցի թիմերն էին:

Տարածաշրջանային փուլերում 1-3-րդ տեղեր գրաված բոլոր դպրոցները ԿԳՄՍ նախարարության կողմից պարգևատրվել են շնորհակալագրերով:



Ապրիլի 4-ին ավարտվեց ՀՀ Վայոց ձորի մարզի «Դպրոցականների բասկետբոլի լիգա» մարզական խաղերի **մարզային փուլը:**

Առաջին տարիքային խմբի / 5-6-րդ դասարանների աշակերտներ / եզրափակիչ մրցույթում հանդիպեցին Եղեգնաձորի Հ. Հովհաննիսյանի անվան թիվ 2 հիմնական և Ազատեկի ու Հերիերի միջնակարգ դպրոցների աշակերտները:

Երկրորդ տարիքային խմբի / 7-9-րդ դասարանների աշակերտներ / եզրափակիչ մրցույթում հանդիպեցին Վայքի հիմնական և Արենիի միջնակարգ դպրոցների թիմերը:

Համառ և գեղեցիկ պայքարում հաղթողներ ճանաչվեցին Եղեգնաձորի թիվ 2 և Վայքի հիմնական դպրոցների թիմերը:

Եզրափակիչ խաղերի բոլոր չորս թիմերն էլ արժանացան ԿԳՄՍ նախարարության կողմից սահմանված մրցանակների՝ հավաստագրերի, գավաթների, և իրավունք ստացան մասնակցելու մրցույթի միջմարզային փուլին:

Վայք քաղաքի մարզադպրոցում մայիսի 21-ին և 22-ին կազմակերպվեցին ՀՀ Վարչապետի հովանու ներքո իրականացվող <<Բասկետբոլի լիգա>> մարզական խաղերի 5-6-րդ դասարանների աշակերտների միջև անցկացվող 6-րդ ենթախմբի միջմարզային փուլի խաղերը:

6-րդ ենթախմբում ընդգրկված էին Նոր ուղու միջնակարգ, Երևանի թիվ 44 հիմնական, Կապանի թիվ 13 հիմնական, Քաջարանի թիվ 2 միջնակարգ և Եղեգնաձորի թիվ 2 հիմնական դպրոցների թիմերը:

Համառ պայքարում հաղթողներ ճանաչվեցին Կապանի թիվ 13 հիմնական և Եղեգնաձորի թիվ 2 հիմնական դպրոցների թիմերը: Նրանք իրավունք ստացան մասնակցելու <<Բասկետբոլի լիգա>> մարզական խաղերի 1/16-րդ եզրափակիչ փուլին:

Վայք քաղաքի մարզադպրոցում մայիսի 28-ին և 29-ին կազմակերպվեցին ՀՀ Վարչապետի հովանու ներքո իրականացվող <<Բասկետբոլի լիգա>> մարզական խաղերի 7-9-րդ դասարանների աշակերտների միջև անցկացվող 6-րդ ենթախմբի միջմարզային փուլի խաղերը:

Համառ պայքարում Վայքի հիմնական դպրոցի թիմը իրավունք ստացավ մասնակցելու <<Բասկետբոլի լիգա>> մարզական խաղերի 1/16-րդ եզրափակիչ փուլին:

Հանրապետական փուլում մարզի հավաքականները մրցանակային տեղեր չեն զբաղեցրել:



<<Սպարտակիադա>> մարզական միջոցառման մարզային փուլի արդյունքները

«Հայաստանի Հանրապետության մարզերի և Երևան քաղաքի հանրակրթական դպրոցների 7-12-րդ դասարանների աշակերտների սպարտակիադա» մարզական միջոցառման շրջանակներում Վայոց ձորի մարզում ամփոփվեցին մարզական փուլի արդյունքները 5 սպորտաձևերից:

1. Հրաձգության մրցույթի մարզային փուլին մասնակցում էին մարզի տարբեր դպրոցներից **21** տղա և **20** աղջիկ:

Աղջիկներից հաղթողներ ճանաչվեցին Մարինա Մկրտչյանը / Արենիի միջնակարգ դպրոց/, Գոհար Օհանյանը /Խնձորուտի միջնակարգ դպրոց/, Սոֆյա Ադամյանը /Վերնաշենի միջնակարգ դպրոց/, Նանե Զաքարյանը /Գետափի միջնակարգ դպրոց/:

Տղաներից հաղթողներ ճանաչվեցին Նարեկ Սիմոնյանը /Արենիի միջնակարգ դպրոց/, Միհր Եղոյանը /Արփիի Վ. Լևոնյանի անվան միջնակարգ դպրոց/, Դավիթ Հովհաննիսյանը/Եղեգնաձորի վարժարան/, Վահե Մկրտչյանը /Գետափի միջնակարգ դպրոց/:

Եզրափակիչ փուլում մարզի հավաքականը գրավել է **6-րդ տեղը**:

2. 5-9-րդ դասարանների աշակերտների **սեղանի թենիսի** մարզային փուլի անհատական մրցաշարում **16** մասնակիցներից համառ պայքարում հաղթեցին Եղեգնաձորի թիվ 1 հիմնական դպրոցի աշակերտներ Արշակ Ասատրյանը, Արեն Սարգսյանը, Միլենա Պետրոսյանը, Եղեգնաձորի Հ. Հովհաննիսյանի անվան թիվ 2 հիմնական դպրոցի աշակերտուհի Լենա Ավետիսյանը: Բոլոր չորս հաղթողներն ընդգրկվեցին մարզի հավաքականում և իրավունք ստացան ապրիլի 21-ին մասնակցելու Երևանում կայանալիք եզրափակիչ փուլին:

Եզրափակիչ փուլում մարզի հավաքականը գրավել է **8-րդ տեղը**:

3. 7-12րդ դասարանցիների **քաղկամարտի** մարզային փուլի անհատական մրցաշարին մասնակցում էին տասը քաշային կարգերում **32** մասնակիցներ՝ **14 աղջիկ և 18 տղա**:

Լավագույն արդյունքներ ցուցաբերեցին՝

45 կգ քաշային կարգ -- Սոնա Մովսիսյան – Եղեգնաձորի Հ. Հովհաննիսյանի անվան թիվ 2 հիմնական դպրոց

55 կգ քաշային կարգ -- Միլենա Կարապետյան – Եղեգնաձորի վարժարան

65 կգ քաշային կարգ -- Գոհար Մելքոնյան -- Եղեգնաձորի Հ. Հովհաննիսյանի անվան թիվ 2 հիմնական դպրոց

65+ կգ քաշային կարգ – Արմինե Ղազարյան – Արենիի միջնակարգ դպրոց

55 կգ քաշային կարգ – Ռուբիկ Գասպարյան – Վայոց ձորի տարածաշրջանային պետական քոլեջ

60 կգ քաշային կարգ—Էրիկ Սամսոնյան -- Արենիի միջնակարգ դպրոց

65 կգ քաշային կարգ – Խաչիկ Սաֆարյան -- Վայոց ձորի տարածաշրջանային պետական քոլեջ

70 կգ քաշային կարգ—Կարեն Համբարձումյան—Եղեգնաձորի վարժարան

75 կգ քաշային կարգ—Դավիթ Հովհաննիսյան -- Եղեգնաձորի վարժարան

75+կգ քաշային կարգ-- Ֆրունզ Գասպարյան -- Վայոց ձորի տարածաշրջանային պետական քոլեջ

Եզրափակիչ փուլում մարզի հավաքականը գրավել է 7-րդ տեղը:

4. Հնգամարտի մրցույթի մարզային փուլին մասնակցում էին տարբեր դպրոցներից **22 տղաներ և 18 աղջիկներ**: Համառ պայքարում հաղթողներ ճանաչվեցին.

Աբրահամ Սարգսյան – Գլաձորի միջնակարգ դպրոց

Վաչե Բաղդասարյան –Վերնաշենի միջնակարգ դպրոց

Վոլոդյա Օհանյան -- Գողթանիկի հիմնական դպրոց

Նարեկ Սիմոնյան -- Արենիի միջնակարգ դպրոց

Արմեն Սիմոնյան -- Արենիի միջնակարգ դպրոց

Լիլիա Մկրտչյան -- Արենիի միջնակարգ դպրոց

Շաքե Մելքոնյան -- Եղեգնաձորի թիվ 2 հիմնական դպրոց

Աննա Մովսիսյան -- Եղեգնաձորի թիվ 2 հիմնական դպրոց

Էդիտա Նազարյան -- Գետափի միջնակարգ դպրոց

Անի Խաչատրյան -- Ագարակաձորի միջնակարգ դպրոց

Եզրափակիչ փուլում մարզի հավաքականը գրավել է 9-րդ տեղը:

5. Շախմատի մարզային փուլին մասնակցում էին մարզի դպրոցներից **10 աղջիկ և 25 տղա**: Համառ պայքարում իմաստուն խաղում լավագույն արդյունքներ գրանցեցին Մարի Կյուրեխյանը / Եղեգնաձորի թիվ 2 հիմնական դպրոց/ , Լինա Սահակյանը /Եղեգնաձորի թիվ 2 հիմնական դպրոց/ , Արշակ Ասատրյանը / Եղեգնաձորի թիվ 1 հիմնական դպրոց/ , Սամսոն Հովհաննիսյանը /Քարագլխի միջնակարգ դպրոց/ և Ռաֆիկ Հովհաննիսյանը /Եղեգնաձորի թիվ 2 հիմնական դպրոց/:

Եզրափակիչ փուլում մարզի հավաքականը գրավել է 6-րդ տեղը:



Հաղթանակներ սպարտակիադայի եզրափակիչ փուլի խաղերում

Սպարտակիադայի ծրագրով անցկացվող հինգ մարզաձևերից երկուսի՝ հրաձգության մրցույթի աղջիկների մրցապայքարում գերազանց հանդես եկավ Արենիի միջնակարգ դպրոցի աշակերտուհի Մարինե Մկրտչյանը, ով 50 հնարավորից վաստակեց 46 միավոր և գրավեց առաջին տեղը:

Բազկամարտի մրցույթում /65 կգ քաշային կարգում/ Եղեգնաձորի Հովի. Հովհաննիսյանի անվան թիվ 2 հիմնական դպրոցի սան Գոհար Մելքոնյանը, հաղթելով բոլոր մրցակիցներին, հռչակվեց դպրոցականների 65 կգ քաշային կարգի չեմպիոն:

Մարինե Մկրտչյանը և Գոհար Մելքոնյանը արժանացան ԿԳՄՍ նախարարության կողմից սահմանված ոսկե մեդալի և գավաթի:



<<Սպորտլանդիա>> մարզական միջոցառման մարզային փուլի արդյունքները

Ապրիլի 18-ին անցկացվեցին ՀՀ մարզերի և Երևան քաղաքի հանրակրթական դպրոցների 1-3-րդ և 4-6-րդ դասարանների աշակերտների միջև անցկացվող <<Սպորտլանդիա>> մարզական միջոցառման մարզային փուլի մրցախաղերը:

1-3-րդ դասարանների աշակերտների տարիքային խմբում առաջին պատվավոր տեղը գրավեց Արենիի միջնակարգ դպրոցի թիմը: 2-րդ և 3-րդ տեղերն զբաղեցրին համապատասխանաբար Եղեգնաձորի թիվ 2 հիմնական և Վայքի հիմնական դպրոցների թիմերը:

4-6-րդ դասարանների աշակերտների տարիքային խմբում լավագույն արդյունք ցուցաբերեց Եղեգնաձորի թիվ 2 հիմնական դպրոցի թիմը: 2-րդ և 3-րդ տեղերն

զբաղեցրին համապատասխանաբար Եղեգնաձորի թիվ 1 հիմնական և Վայքի հիմնական դպրոցների թիմերը:

Այսպիսով, մայիսի 1-3-ը Արենիի միջնակարգ դպրոցի թիմը, իսկ մայիսի 5-7-ը Եղեգնաձորի թիվ 2 հիմնական դպրոցի թիմը Վանաձորում մասնակցեցին եզրափակիչ փուլի խաղերին:

Արենիի միջնակարգ դպրոցի թիմը /1-3-րդ դասարաններ/ եզրափակիչ փուլում գրավեց 5-րդ տեղը, Եղեգնաձորի թիվ 2 հիմնական դպրոցի թիմը / 4-6-րդ դասարաններ/ գրավեց 9-րդ տեղը:





Ավարտվեցին <<Հայաստանի Հանրապետության Վարչապետի գավաթ>>

սիրողական սեղանի թենիսի Վայոց ձորի մարզի տարածաշրջանային փուլերը

Ավարտվեցին <<Հայաստանի Հանրապետության Վարչապետի գավաթ>> սիրողական սեղանի թենիսի Վայոց ձորի մարզի տարածաշրջանային փուլերը:

Մրցույթների նախապատրաստական և անցկացման աշխատանքները համակարգվել են ՀՀ Վայոց ձորի մարզպետի աշխատակազմի կրթության, մշակույթի և սպորտի վարչության կողմից:

Եղեգնաձորի տարածաշրջանում տարիքային երկու խմբերում հանդես են եկել 11 դպրոցների 88 մասնակիցներ: Առաջին տարիքային խմբում /5-9-րդ դասարաններ/ հաղթող ճանաչվեցին Եղեգնաձորի թիվ 1 հիմնական դպրոցը / 1-ին տեղ, Չիվայի միջնակարգ դպրոցը /2-րդ տեղ/, Եղեգնաձորի Հովհ. Հովհաննիսյանի անվան թիվ 2 հիմնական դպրոցը /3-րդ տեղ/:

Տարիքային երկրորդ խմբում /10-12-րդ դասարաններ/ լավագույն արդյունք ցուցաբերեց Եղեգնաձորի վարժարանը, իսկ 2-րդ և 3-րդ տեղերը գրավեցին համապատասխանաբար Արենիի և Չիվայի միջնակարգ դպրոցները:

Վայքի տարածաշրջանում տարիքային երկու խմբերում հանդես են եկել 8 դպրոցների 64 մասնակիցներ: Առաջին տարիքային խմբում /5-9-րդ դասարաններ/ հաղթող ճանաչվեցին Բարձրունու միջնակարգ դպրոցը / 1-ին տեղ/, Արտավանի միջնակարգ դպրոցը /2-րդ տեղ/, Մարտիրոսի միջնակարգ դպրոցը /3-րդ տեղ/:

Տարիքային երկրորդ խմբում /10-12-րդ դասարաններ/ լավագույն արդյունք ցուցաբերեց կրկին Բարձրունու միջնակարգ դպրոցը, իսկ իսկ 2-րդ և 3-րդ տեղերը գրավեցին համապատասխանաբար Արտավանի և Գնդեվազի միջնակարգ դպրոցները: Տարածաշրջանային փուլում հաղթող ճանաչված դպրոցների թիմերը ապրիլի 11-ին մասնակցեցին մարզային փուլին:



Ավարտվեց ՀՀ Վայոց ձորի մարզի «ՀՀ Վարչապետի գավաթ» սիրողական սեղանի թենիսի մարզային փուլը

Ավարտվեց ՀՀ Վայոց ձորի մարզի «ՀՀ Վարչապետի գավաթ» սիրողական սեղանի թենիսի մարզային փուլը: Մրցաշարն անց էր կացվում երկու տարիքային խմբերով՝ 5-9-րդ և 10-12- րդ դասարանների միջև: Յուրաքանչյուր տարիքային խմբում մարզային փուլի ուղեգիր էին ձեռք բերել մարզի վեց դպրոցների թիմեր:

5-9-րդ դասարանների մրցույթում հանդես եկան Բարձրունու, Արտավանի, Մարտիրոսի, Չիվայի միջնակարգ և Եղեգնաձորի թիվ 1 և թիվ 2 հիմնական դպրոցների թիմերը:
10-12-րդ դասարանների մրցույթում հանդես եկան Եղեգնաձորի վարժարանի, Գնդեվազի, Արենիի, Արտավանի, Չիվայի և Բարձրունու միջնակարգ դպրոցների հավաքական թիմերը:

5-9- րդ դասարանների տարիքային խմբում հաղթող ճանաչվեց Բարձրունու միջնակարգ դպրոցի թիմը, 10-12-րդ դասարանների մրցույթում հաղթող ճանաչվեց Եղեգնաձորի վարժարանը:

Հաղթողներն իրավունք ձեռք բերեցին մասնակցելու Չարենցավանում կայանալիք եզրափակիչ փուլին:

Եզրափակիչ փուլում վերոնշյալ դպրոցները պարզևատրվեցին ԿԳՄՍ նախարարության շնորհակալագրերով և սեղանի թենիսի խաղաղաշտերով:



<<<< վարչապետի գավաթ>>> դպրոցականների թիմային խճուղավազքի մարզային փուլ

Մայիսի 7-ին ՀՀ Վայոց ձորի մարզպետի աշխատակազմի կրթության , մշակույթի, սպորտի վարչության համակարգմամբ անցկացվեց <<<< վարչապետի գավաթ>>> դպրոցականների թիմային խճուղավազքի մարզային փուլը:

Միջոցառմանը մասնակցում էին մարզի 25 դպրոցների թիմերը / 5 տղա և 2 աղջիկ/, ընդհանուր թվով՝ 175 աշակերտ:

Միջոցառման մասնակիցներին ողջունեց Վայոց ձորի մարզպետ Կոլյա Միքաելյանը, ով կարևորեց սպորտի առանցքային և անբաժանելի դերը մարդու կյանքում՝ նշելով, որ այն կերտում է բնավորություն, ամրացնում կամքի ուժը, իսկ թիմային մարզաձևերը զարգացնում են նաև համախմբվածություն և միասնականություն:

Այնուհետև տրվեց մրցույթի մեկնարկը. թիմերը պետք է հաղթահարեին Ագարակաձորից դեպի Գռավ ձգվող ճանապարհի 5 կմ հատվածը:

<<< վարչապետի գավաթ>> դպրոցականների թիմային խճուղավազքի Վայոց ձորի մարզային փուլում հաղթող ճանաչվեց Արենիի միջնակարգ դպրոցի թիմը, որն իրավունք ստացավ հունիսի 28-29-ին Դիլիջանում մասնակցելու եզրափակիչ փուլին: 2-րդ և 3-րդ տեղերը գրավեցին համապատասխանաբար Աղավնաձորի և Ագարակաձորի միջնակարգ դպրոցների թիմերը:





Այս տարի ևս Վայոց ձորի մարզի Արենիի միջնակարգ դպրոցի թիմը <<<< վարչապետի գավաթ>>> դպրոցականների թիմային խճուղավազքի մրցաշարի եզրափակիչ փուլում ցուցաբերեց բարձր պատրաստվածություն և գրանցեց հաղթական արդյունք՝ գրավելով 2-րդ պատվավոր հորիզոնականը:

Մրցաշարին մասնակցել է 11 թիմ՝ յուրաքանչյուրի կազմում 7 աշակերտ (5 տղա, 2 աղջիկ)՝ հաղթահարով 5000 մետր մրցատարածությունը:

1-ին, 2-րդ և 3-րդ տեղեր գրաված դպրոցների թիմերը և մասնակիցները պարգևատրվել են Կրթության, գիտության, մշակույթի և սպորտի նախարարության համապատասխան կարգի հավաստագրերով, գավաթներով, մեդալներով և դրամական պարգևներով: Մասնավորապես՝ երկրորդ տեղ զբաղեցրած Արենիի միջնակարգ դպրոցը ստացել է 2 մլն 500 հազար դրամ, ֆիզկուլտուրայի ուսուցիչը ստացել է 500 հազար դրամ, իսկ թիմում ընդգրկված 7 աշակերտից յուրաքանչյուրը՝ 100 հազարական դրամ:



Ֆիզիկական կուլտուրայի և սպորտի օր Վայոց ձորի մարզում

ՀՀ Վայոց ձորի մարզպետի որոշմամբ մայիսի 7-ը հայտարարվել էր Վայոց ձորի մարզում ֆիզիկական կուլտուրայի և սպորտի օր: Այն նպատակ ունի նպաստել մարզի երիտասարդ բնակչության առողջության ամրապնդմանը, ֆիզիկական պատրաստականության մակարդակի, ֆիզիկապես և բարոյապես կայուն երիտասարդ սերնդի ձևավորմանը:

Միջոցառման շրջանակում մարզի կրթական հաստատություններում կազմակերպվել են տարաբնույթ մարզական միջոցառումներ և խաղեր:

ՀՀ Վայոց ձորի մարզպետի աշխատակազմի կրթության, մշակույթի, սպորտի վարչության աշխատակիցները մի քանի դպրոցներում հետևել են մարզական միջոցառումների ընթացքին, արձանագրել, որ երեխաները մասնակցում էին մեծ ոգևորությամբ և պատրաստակամությամբ:



«Հայաստանի Հանրապետության վարչապետի գավաթ» խճուղային հեծանվավազքի սիրողական մրցաշարի համայնքային փուլ

/ Վայքի տարածաշրջան/

Մայիսի 15-ին Վայոց ձորի մարզպետի աշխատակազմի կրթության, մշակույթի, սպորտի վարչության համակարգմամբ անցկացվեց «Հայաստանի Հանրապետության վարչապետի գավաթ» խճուղային հեծանվավազքի սիրողական մրցաշարի համայնքային փուլը /Վայքի տարածաշրջան/:

Մալիշկա բնակավայրին հարակից մայրուղու՝ սահմանված 25 կմ տարածությունը հաղթահարելու համար պայքարի էին դուրս եկել Վայքի տարածաշրջանի դպրոցների 100 աշակերտներ հետևյալ բաշխվածությամբ՝ 7-9-րդ դասարանների աշակերտներ 18 դպրոցներից 2-ական մասնակիցներով, 10-12-րդ դասարանների աշակերտներ 16 դպրոցներից 4-ական մասնակիցներով:

Համընդհանուր ոգևորության և համախմբվածության մթնոլորտում անցավ մարզական միջոցառումը: Ձեռնարկվել էին անվտանգության անհրաժեշտ միջոցառումները:

1-ին տարիքային խմբում համառ պայքարի արդյունքում հաղթող ճանաչվեցին Խնձորուտի միջնակարգ դպրոցը /1-ին տեղ/, Ագատեկի միջնակարգ դպրոցը /2-րդ տեղ/, Ջերմուկի թիվ 3 միջնակարգ դպրոցը /3-րդ տեղ/:

2-րդ տարիքային խմբում մրցանակային տեղերը գրավեցին Խնձորուտի միջնակարգ դպրոցը /1-ին տեղ/, Ջերմուկի թիվ 3 միջնակարգ դպրոցը /2-րդ տեղ/, Մարտիրոսի միջնակարգ դպրոցը /3-րդ տեղ/:

Մրցանակային տեղեր զբաղեցրած բոլոր դպրոցների թիմերը մայիսի 20-ին մասնակցեցին «Հայաստանի Հանրապետության վարչապետի գավաթ» խճուղային հեծանվավազքի սիրողական մրցաշարի մարզային փուլին:

/Եղեգնաձորի տարածաշրջան/

Մայիսի 16-ին Վայոց ձորի մարզպետի աշխատակազմի կրթության, մշակույթի, սպորտի վարչության համակարգմամբ անցկացվեց «Հայաստանի Հանրապետության վարչապետի գավաթ» խճուղային հեծանվավազքի սիրողական մրցաշարի համայնքային փուլը /Եղեգնաձորի տարածաշրջան/:

Մալիշկա համայնքին հարակից մայրուղու՝ սահմանված 25 կմ տարածությունը հաղթահարելու համար մրցում էին Եղեգնաձորի տարածաշրջանի դպրոցների 132 աշակերտներ հետևյալ բաշխվածությամբ՝ 7-9-րդ դասարանների աշակերտներ 24 դպրոցներից 2-ական մասնակիցներով, 10-12-րդ դասարանների աշակերտներ 21 դպրոցներից 4-ական մասնակիցներով:

Համընդհանուր ոգևորության և համախմբվածության մթնոլորտում անցավ մարզական միջոցառումը: Ձեռնարկվել էին անվտանգության անհրաժեշտ միջոցառումները:

1-ին տարիքային խմբում համառ պայքարի արդյունքում հաղթող ճանաչվեցին Արփիի միջնակարգ դպրոցը /1-ին տեղ/, Ագարակաձորի միջնակարգ դպրոցը /2-րդ տեղ/, Աղավնաձորի միջնակարգ դպրոցը /3-րդ տեղ/:

2-րդ տարիքային խմբում մրցանակային տեղերը գրավեցին Աղավնաձորի միջնակարգ դպրոցը /1-ին տեղ/, Արենիի միջնակարգ դպրոցը /2-րդ տեղ/, Եղեգիսի միջնակարգ դպրոցը /3-րդ տեղ/:



Անցկացվեց «Հայաստանի Հանրապետության վարչապետի գավաթ» խճուղային հեծանվավազքի սիրողական մրցաշարի մարզային փուլը

Մայիսի 20-ին Վայոց ձորի մարզպետի աշխատակազմի կրթության, մշակույթի, սպորտի վարչության համակարգմամբ անցկացվեց «Հայաստանի Հանրապետության վարչապետի գավաթ» խճուղային հեծանվավազքի սիրողական մրցաշարի մարզային փուլը:

Մալիշկա համայնքին հարակից մայրուղու՝ սահմանված 30 կմ տարածությունը հաղթահարելու համար պայքարեցին համայնքային փուլում մրցանակային տեղեր գրաված դպրոցների թիմերը, ընդհանուր հաշվով՝ 7-9-րդ դասարանների 12 աշակերտներ և 10-12-րդ դասարանների 24 աշակերտներ:

Մեկնարկից առաջ թիմերին ողջունեց և հաջողություններ ցանկացավ ՀՀ Վայոց ձորի մարզպետ Կոլյա Միքայելյանը:

Մարզական ոգևորության և համախմբվածության մթնոլորտում անցավ մարզական միջոցառումը: Ձեռնարկվել էին անվտանգության անհրաժեշտ միջոցառումները:

1-ին տարիքային խմբում հաղթող ճանաչվեցին Աղավնաձորի միջնակարգ դպրոցը /1-ին տեղ/, Ագարակաձորի միջնակարգ դպրոցը /2-րդ տեղ/, Արփիի միջնակարգ դպրոցը /3-րդ տեղ/:

2-րդ տարիքային խմբում մրցանակային տեղերը գրավեցին Արենիի միջնակարգ դպրոցը /1-ին տեղ/, Աղավնաձորի միջնակարգ դպրոցը /2-րդ տեղ/, Խնձորուտի միջնակարգ դպրոցը /3-րդ տեղ/:

Լավագույն արդյունքներ ցուցաբերած թիմերը կմասնակցեն «Հայաստանի Հանրապետության վարչապետի գավաթ» խճուղային հեծանվավազքի սիրողական մրցաշարի եզրափակիչ փուլին, որը կկայանա սեպտեմբերի 12-13-ին Շողակաթում:



Միջոցառումներ Եղեգնաձորի երկրագիտական թանգարանում

Մայիսի 17-ին <<Թանգարանների գիշեր>> միջոցառման շրջանակներում Եղեգնաձորի երկրագիտական թանգարանը կազմակերպել էր «Մասնագիտական կողմորոշում» թեմայով միջոցառում, որի ընթացքում 11 մասնագետներ տարբեր ոլորտներից ներկայացրին իրենց մասնագիտությունը:

<<Թանգարանների գիշեր>> միջոցառման շրջանակներում կազմակերպվել էր նաև վարպետաց դաս՝ «Պատրաստում ենք ուլունքազարդեր» խորագրով: Վերպետաց դասի ընթացքում մասնակիցները պատրաստեցին ուլունքազարդեր:

Մայիսի 18-ին Թանգարանների միջազգային օրվան նվիրված «Թանգարանների ապագան արագ փոփոխվող համայնքներում» խորագրի ներքո թանգարանում կազմակերպվել էր ցուցադրություն՝ «Մեկ քաղաք, հազար պատմություն»:

Ցուցադրվել են թանգարանի ֆոնդերում պահպանվող լուսանկարներ, որոնք վերաբերում են տարբեր տարիներին Եղեգնաձոր քաղաքում տեղի ունեցած առաջընթացներին, մարդկանց, ովքեր մեծ ներդրումներ են ունեցել քաղաքի զարգացման գործում: Ներկայացվել են աշխատանքային տարբեր բնագավառներ, որոնք գործել են քաղաքում, ինչպես նաև մշակութային կյանքը:

Թանգարանում կազմակերպվել էր պարային ֆլեշմոբ՝ «Պարի՛ր ինձ հետ» խորագրով, որին միացել էին մարզի դպրոցների աշակերտները, պարային խմբեր, անհատներ: Նախաձեռնության նպատակն է ազգային պարարվեստի տարածումը, մեր մշակութային ինքնության պահպանումն ու նոր սերունդներին փոխանցումը:



«Դպրոցական բաժանորդային համակարգի ներդրում» ծրագիր

Դպրոցական բաժանորդային համակարգով ս/թ մայիսի 20-ին և 22-ին << Արտաշատի Ա. Խարազյանի անվան պետական դրամատիկական թատրոն>> ՊՈԱԿ-ի անձնակազմը հյուրախաղերով հանդես եկավ Վայոց ձորի մարզում՝ ներկայացնելով << Բարեկենդանը>> ներկայացումը: Այն դիտել են շուրջ 2000 հանդիսատես Եղեգնաձոր, Ագատեկ, Արենի, Զառիթափ, Խնձորուտ, Գոմք, Գնդեվազ, Վերնաշեն, Հորբատեղ, Հերմոն, Գետափ, Մալիշկա, Ռինդ, Գլաձոր, Ագարակաձոր, Արփի, Արին, Ելփին, Թառաթումբ, Արտաբույնք բնակավայրերից:



<<Հայրենիքը սկսվում է մեզնից>>

Ջերմուկի կրթահամալիրում տեղի ունեցավ Ջերմուկ համայնքի Շառլ Ազնավուրի անվան արվեստի դպրոցի կողմից կազմակերպված <<Հայրենիքը սկսվում է մեզնից>> խորագրով միջոցառումը՝ նվիրված Հանրապետության տոնին:

Օրվա խորհրդին համահունչ գույներով, գեղարվեստական գեղեցիկ ելույթներով արվեստի դպրոցի սաները հիացմունքի պահեր պարզեցին հանդիսատեսին՝ մեկ անգամ ևս փաստելով, որ, այո՛, հայրենիքը սկսում է յուրաքանչյուրիցս...






Ու հնչեց վերջին զանգը. . .

Հայաստանի Հանրապետության պետական հանրակրթական ուսումնական հաստատություններում հնչեց վերջին զանգը:

Վայոց ձորի մարզպետի աշխատակազմի ներկայացուցիչներն այցելել են դպրոցներ, ներկա գտնվել հանդիսավոր միջոցառումներին, ներկայացրել Վայոց ձորի մարզպետ Կոլյա Միքաելյանի շնորհավորական ուղերձը, բարեմաղթանքի խոսքեր ուղղել շրջանավարտներին:





ՀՀ կրթության, գիտության, մշակույթի և սպորտի նախարարի 08.05.2025 թ. N1067-Ա/2 հրամանով հաստատված «Մշակութային Վերջին զանգ» միջոցառումների հանձնաժողովը սահմանված գնահատման սանդղակով ամփոփել է մրցույթի արդյունքները, որի արդյունքում ՀՀ Վայոց ձորի մարզի Եղեգնաձորի թիվ 2 հիմնական և Աղավնաձորի միջնակարգ դպրոցները ճանաչվել են «Մշակութային վերջին զանգ» մրցույթի հաղթողներ:

Հուլիսի 3-ին «Կինոյի տանը» տեղի ունեցավ «Մշակութային վերջին զանգ» միջոցառումների մրցույթի հաղթողներին նվիրված միջոցառումը: Միջոցառման ընթացքում ՀՀ կրթության, գիտության, մշակույթի և սպորտի նախարարի կողմից հաղթող դպրոցները խրախուսվեցին շնորհակալագրերով, որից հետո իրականացվեց ֆիլմի դիտում:

**2024-2025 թվականի ուսումնական տարվա սովորողների գիտելիքների ստուգման,
ավարտական և պետական ավարտական քննություններ**

Վայոց ձորի մարզպետի աշխատակազմի կրթության, մշակույթի և սպորտի վարչության ներկայացուցիչներն այցելել են Վայոց ձորի մարզի մի շարք հանրակրթական ուսումնական հաստատություններ, դիտարկել քննությունների նախապատրաստական աշխատանքները և ընթացքը, քննարկել դրանց առնչվող մի շարք հարցեր:



